



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Խ. ՇԱՀՄԱԶ ԵԱԿ



ՇԱՀՄԱԶ

ԲԻԲԼԻՈՏԵԿԱ  
ԻՆՏԵՐՆԱԿԱԼ  
ԴԻՊԼՈՄԱԵԴՆԻԱ  
ԱԿԱԴԵՄԻԱ ՄԱՍԻ  
ՍՍՏՐ

Խ. ՇԱՀՄԱԶ  
Տպ. Կ. Բաղրամյանի Վարձատ. Ա. Մահաբախ-Յակոբյան  
Սերգեյևայա փող. № 1.  
1904

891.99  
Շ-20

6005  
19 NOV 2011

ԽՈՐԷՆ ՇԱՀՄԱԶԵԱՆ

91.99  
-20

# Վ Ա Ր Դ Ո Ւ Հ Ի

БИБЛИОТЕКА  
ИНСТИТУТА  
ВОСТОКОВЕДЕНИЯ  
Академии Наук  
СССР



Թ Ի Ե Ղ Ի Ս  
Ցպհ Գ. Քաւարթիլաձէի, Կաղալ. Ա. Մահաւոսի-Յակոբեան  
Սերգէեական փող. № 1.  
1904

46.952

# Վ Ա Ր Դ Ո Ւ Հ Ի

Երբ խօսք բացուէր տիկին Վարդու-  
հու մասին, ամենքն էլ կսկսէին բամբա-  
սել: Ընդհանուրի կարծիքը նրա բարոյա-  
կանի մասին վատ էր:

Վաղուցուայ հարևաններ էինք, բայց  
նրա վատ կողմը չէինք տեսել. ամենքը խօ-  
սում էին, բամբասում էին, առանց փաս-  
տերի մինչև կախաղանի արժան համարում:

Չատ անդամ մտածում էի թէ Վար-  
դուհին իսկապէս արժանի է այդ բամբա-  
սանքին:

Բայց չնայած որ տիկինը քարկոծուով  
էր իւր բացակայութեան ժամանակ, նոյն-  
չափ էլ յարգում էր երբ ինքը ներկայ էր  
լինում. այնպէս որ չէր կարելի հաւատալ  
որ դա այն արհամարհած, ատուած կինն է:

Տիկին Վարդուհին հազիւ կը լինէր  
22—23 տարեկան. շատ գեղեցիկ էր, գը-  
րաւիչ և դուրեկան. իսկ 50—55 տարեկան

Дозв. цензурою 10-го Декабря 1904 г. г. Тифлиса.



58898-67

ամուսինը թառամած գէմքով, մազերը սպիտակած, թուլակազմ, կեանքի վայելքներից յազեցած մի ծերուկ էր, կնոջը բոլորովին անհամապատասխան:

Յրիտասարդ տիկինը որ դատապարտւած էր կեանքի ծաղիկ հասակում կենդանի ամուսնու շուաքի տակ որպէս այրի ապրել, դատապարտում, բամբասում էր ամուսնուն անհաւատարիմ լինելու համար:

Ուստայ Թաթոսը (այսպէս էին կոչում Վարդուհու ամուսնուն) հազիւ էր կարողանում օրական մի թեթեւ ապրուստ հայթհայթել, պահել կնոջը և 6—7 տարեկան որդուն, որը աւելի ծանր բեռ էր դառնում շուտ շուտ հիւանդանալով: Քայց Աստուած մի արասցէ եթէ ինքը ուստայ Թաթոսը հիւանդանար, միքանի օրով տանը մնար, ընտանիքը բոլորովին կրկորջէր չքաւորութեան ճանկերում: Տան մէջ չունէին աչքի ընկնող ոչ մի թանկագին իրեղէն. Վարդուհուհին էլ վաղուց զրկուած էր ունեցած ոսկեղէն միքանի զարդերից, որոնց, կեանքի ձախորդ օրերին ծախսել էր ամուսինը:

Ուստայ Թաթոսը արհեստով կօշկակար էր:

Հօր կենդանութեան ժամանակ Ա... քաղաքում երբ բոլոր չորս եղբայրներն էլ միասին էին, ամենքն էլ լաւ յաջողութիւն ունէին գործի մէջ: Հայրը մեռաւ, բոլոր եղբայրներն էլ բաժանւելով ամենքը մի մի կողմ գնացին և հայրական օջախը քայքայեցաւ: Ուստայ Թաթոսն էլ գաղթեց Թիֆլիս: Թիֆլիսում, որպէս մեծ քաղաք, ուր աւելի լիքն են բախտախնդիր մարդիկ, նա չըզտաւ իւր սպասածը. այստեղ մի թեթեւ ապրուստ էր միայն, և եթէ կար միւրթարական մէկ բան, այդ էլ այն էր, որ գոնէ ապրում էլ 'ն մեծ և գոված քաղաքում:

Ծնողները միշտ պատրաստ են գաւակի համար ամեն գոհողութիւն անելու, միայն թէ նոցա բախտաւոր և երջանկացած տեսնեն. այդպէս էլ ուստայ Թաթոսը և տիկին Վարդուհին էին: Որդին մեծանում էր. Թիֆլիսում կան շատ ուսումնարաններ, կաշխատեն մի տեղ կտան, գոնէ նրա ապագան լաւ կը լինի:

Ուստայ Թաթոսը Թիֆլիս գաղթած  
առաջին տարին շատ նեղութիւններ քա-  
շեց, մինչև լաւ ծանօթացաւ քաղաքին,  
ճանաչեց մարդկանց և հաստատուն գործ  
ճարեց մէկ արհեստանոցում: Նրա վարձած  
բնակարանը ամսական 3 ըուբլիանոց մի-  
սենեակ էր, որտեղ 4—5 տարի բնակ-  
ւում էին սեպհական տան պէս: Վաղ ա-  
ռաւօտեան ուստայ Թաթոսը գնում էր գոր-  
ծի և ուշ երեկոյին վերադառնում տուն:

Տիկին Վարդուհին մնալով տանը  
փոքրիկ որդու հետ, որը աւելի դուրս էր  
վազողում հասակակից ընկերների հետ խա-  
ղալու, ինքն էլ մենակութիւնից չըձանձ-  
րանալու համար գնում էր հարևաններից  
մէկի տունը, կամ նոցանից էին գալիս իւր  
մօտ իրենց ձեռագործներով միասին աշ-  
խատելու և խօսելու:

Որպէս մօտիկ հարևան մենք էլ միշտ  
երթ ու գալ ունէինք իրար տուն: Ես  
գնում էի մեծ մասամբ երեկոները, երբ  
գործից վերադառնում էր ամուսինը:

Դա մի խիստ կրօնամօլ մարդ էր,  
ծերունուն յատուկ բնաւորութեամբ խիստ

հետաքրքրող, շատախօս, ջղալին և միշտ  
բարկացկոտ: Շատ սիրում էր ճառել աս-  
տուածաբանութիւնից, ջերմեռանդ հաւա-  
տացող էր Սուրբ Գրքին, դրախտին, դժոխ-  
քին, հանդերձեալ կեանքին և եղած չե-  
ղած սրբերի ու ճգնաւորների գորութեանը:  
Անտանելի էր դառնում նրա դրութիւնը,  
երբ յայտնում էին մի նոր կարծիք, նոր  
պարզած հարց որ հակառակ էր իւր սկզ-  
բունքին: Ուստայ Թաթոսը նոր սերնդին, ե-  
երիտաջարգութեանը, կոչում էր անհաւատ-  
ներ, ներկայ ուսումը համարում էր փչա-  
ցնող, լկտիացնող:

«Ի՞նչ էք դուք, ի՞նչ է ձեր ուումը  
և կարգացածը», ասում էր նա, «հինգ,  
տասը տարի կորցնում էք, քաշ էք գալիս  
ուսումնարաններում և ոչ մի աղօթք, շա-  
րական, սաղմոս չգիտէք, սրբազան պատ-  
մութիւնից ոչ մի նուրբ տեղեկութիւն,  
վարք սրբոցից նոյնպէս, մէկ խօսքով ոչ  
մի Աստուածահաճոյ նիւթ չկայ ձեր գըլ-  
խում. ձեր ուղեղը այժմ ըթացնում են հա-  
զար տեսակ ցնդի սատանայական գիտու-  
թիւնների մասին խօսելով. միշտ կարդում

էք տեսակ տեսակ փչացնող սիրահարու-  
թիւն, շնութիւն, անաստուածութիւն սո-  
վորեցնող գրքեր: Հիմայ ամեն բան, ամեն  
սրբութիւն մասխարութիւն դառուցին, ոչ  
հաւատ մնաց, ոչ էլ սէր, և այդ նորե-  
լուկ անաստուած մարդոց փչացած խելքի  
գուրս տուածներից Աստուած էլ բարկա-  
ցաւ մեզ վրայ և ներկայումս ապրուստը  
օրստօրէ՛ դժուարանում է»:

Պատահում էր շատ անգամ, ես վի-  
ճում էի ուսրա Թաթոսի հետ և մեր վէ-  
ճերին երբեմն մասնակցում էր տիկին Վար-  
դուհին: Նա ամուսնու պէս նախապաշար-  
ւած չէր և այդ պատճառով պատահում  
էր որ մեր վիճաբանութիւնը վերջանում  
էր նրանով, որ ուստայ Թաթոսը սաստիկ  
կատաղում, բարկանում էր կնոջ թերա-  
հաւատ լինելու համար:

Վարդուհին դեռ փոքրահասակ, աչ-  
սինքն 14 տարին չլրացած բնկել էր Թա-  
թոսի ձեռքը և մեծացել նրա մօտ, այն-  
պէս որ նա, կնոջ վրայ աւելի մի հօր տը-  
պաւորութիւն և նշանակութիւն ունէր  
քան թէ ամուսնու:

Ամուսնու բարկացած ժամանակ կինը  
հլու հնազանդ գաւակի պէս միշտ լուռ էր:

Ուստայ Թաթոսը որպէս հին մարդ,  
հնապաշտ էր և խիտ պատուասէր: Նրա  
համար անտանելի էր երբ կանայք գնում  
էին փողոց բաց երեսով, խօսում են օտար  
տղամարդու հետ և սարսափեցի հսկառակ  
էր նորաձեւութեանը: «Շնութիւն, հնու-  
թիւն», ասում էր նա, «ինչ որ կայ սուրբ  
և զնահատելի, այդ միայն հների, հնու-  
թեան մէջ պէտք է որոնել»: Ահա այդ-  
պիսի ամուսնու ձեռքին էր տիկին Վար-  
դուհին, որին բա՛րասում էր հասարակու-  
թիւնը որպէս մի փչացած անբարոյական  
կնոջ:

Ուստայ Թաթոսը որքան որ նախա-  
պաշարուած և պատուախնդիր էր ու շատ  
անգամ լուռ էր կնոջ մասին անախորժ  
խօսքեր, բայց երբէք նշանակութիւն չէր  
տալիս, որովհետև 7—8 տարուայ փորձով  
շատ լաւ համարում ունէր երիտասարդ  
կնոջ անսահման հաւատարմութեան վրայ:

Ի՞նչն էր տեղի տուել ժողովրդին տի-  
կին Վարդուհու մասին մի այդպիսի կար-

Տիբ կազմելու երբ ոչ ոք չէր յանդգնի երես առ երես նրան մի վատ խօսք ասել և հաստատել փաստով:

Հասարակութեան կարծիքը կազմուած էր այն պատճառով միայն, որ Վարդուհու ամուսինը արդէն մի ծերուկ է դիպած դազրած, կեանքից համարեայ լիացած, թուլացած, իսկ կինը կեանքի շէմքին նոր ոտք դրած կրակոտ մի կին, ապրելու տենչը սրտին:

Տիկին Վարդուհուն շատ հետևողներ կային. ինքս շատերի ախ ու վախը լսել եմ նրան ձեռք բերելու, օգտուելու համար, բայց ոչ մէկը չէ ասել թէ կարողացել է հասնել իւր նպատակին:

Վարդուհին որտեղ և ինչ շրջանի մէջ ուզում է գտնուէր, միշտ սիրելի պէտք է գառնար ամենքին: Բնաւորութեամբ շատ բարի և խոնարհ էր, իսկ գեղեցկութեան կողմից էլ շատերի հետ կրմբէր:

Չատ ընդունակ և շնորհքով էլ էր նա. հմուտ գիտէր միքանի տեսակ նուրբ ձեռագործներ:

Կանայք նախանձում էին բնութեան

այդ ստեղծագործութեան վրայ որ վարձատրուած էր ամեն բնատուր բարիքներով. բայց երբ նայում էին նրա ամուսնուն, սրտերը մի քիչ ուրախանում էր որ այդ չքնաղ կինը գնահատուած չէ և ընկած է այդ ծերուկի ձեռքը:

Չատ տղամարդիք էլ կատաղում էին թէ ինչո՞ւ այդ չքնաղ կինը օր առաջ չէ թողնում ծերուկ ամուսնուն և ապրում օտարի հետ:

Երկար ժամանակուայ ընթացքում լաւ մտերմացանք այդ հարևաններիս հետ: Չատ անդամ ընտանեկան խօսակցութեան ժամանակ երբ խօսք էր լինում Վարդուհուն բամբասելու մասին, ինքը այսպէս էր ասում—

«Ես գիտեմ որ շատերը ինձ ճանաչում են որպէս մի փչացած կնոջ. ինձ լաւ յայտնի է որ բոլոր բարեկամներս բամբասում են ինձ, արիւնակից բարեկամներիս հետ խօսելուս, մանգալուս համար անգամ, բայց յոյս ունեմ որ ամենքն էլ մի օր պիտի գղջան և ամաչեն: Գուք ինչ էք կարծում, եթէ ամուսինս լինէր մի երիտա-



սարդ՝ ինձ համապատասխան ընկեր, մի-  
թէ մարդիկ ինձ կ'բամբասէին, միթէ մէկը  
իրան թոյլ կտար ինձ համար հողին սե-  
ւացնելու երեսիս անտեղի զուր ու մուր  
քսելով. բայց քանի որ բաղգս այսպէս է,  
ամուսինս մի թոյլ արարած է, պարզ բան  
է, ամենքն էլ պիտի քցցէն ինձի: Ամու-  
սինս ձերացած ու խեղճ, իսկ ես երիտա-  
սարդ և գեղեցիկ, ո՞ր տեսնողը պիտի հա-  
ւատայ թէ ես կարող եմ հաւատարիմ լի-  
նել մարդու: Թող ամենքն էլ բամբասեն,  
միայն թէ ես զիտենամ ինձ, թող խղճիս  
մօտ յանցաւոր չըլինեմ, թող խիղճս ինձ  
չըտանջէ, օտարի ստոր բամբասանքը ոչինչ  
եմ համարում և նշանակութիւն էլ չեմ  
տալ երբ ինձ անպարտ եմ զգում դէպի  
այդ մեղազրանքները»:

Եւ այդ խօսքերը կարելի էր շատ  
անգամ լսել տիկին Վարդուհուց:

Բայց չէր կարելի ասել թէ տիկինը  
դժգոհ չէր վիճակից. նա միշտ անիծում  
էր իւր անհամապատասխան ամուսնու-  
թեան պատճառ երողներին:

Դժբախտ կինը ծաղիկ հասակում

մեռցրել էր իւր մէջ ամուսնական սիրո  
զգացմունքը և բոլոր սիրոյ զրգիւր կենդ-  
րոնացրել մի հատիկ որդու վրայ: Մի ժամ  
չէր կարող առանց նրան տեսնելու մնալ.  
բոլոր հարեանները և ծանօթները շատ  
անգամ տեսել էին թէ ինչպէս նա 6—7  
տարեկան որդուն զրկած փոքրիկ երեխայի  
պէս համբոյններով ծածկում էր և ձեռ-  
քովը կերակրում:

Տիկին Վարդուհու բնաւորութեան մէկ  
լաւ յատկութիւնն էլ այն էր, որ վրէժ-  
խնդրութիւն և թշնամանալ չ'գիտէր: Ե-  
րեսին հաղար անգամ վատ խօսող, կուտող  
հարեանը երբ նեղ տեղն էր լինում, կա-  
րօտ ուրիշի օգնութեանը, նա ամեն ինչ  
մոռացած, մաքուր սրտով վազգում էր նրա  
հաւարին հասնելու, ձեռքից գալածի չափ  
օգնելու:

Ահա այդ կնոջը բամբասում էր հա-  
սարակութիւնը, համարելով նրան որպէս  
մի փչացած, անհաւատարիմ, անբարոյա-  
կան կին:

Ո՞վ էր հետեւել նրան, ո՞վ էր բռնել  
յանցանքի տեղում:

Ոչ ոք:

Ապացուցուած է, որ երբ ժողովրդի մէջ մի խօսք նետուեց, «բերնից բերան, կ'դառնայ գերան» կ'լինի, լինի այդ լուրք սխալ կամ ուղիղ: Զուտով լուրի իսկական աղբիւրը կորչում է և ամեն մէկը իմացածը իւր բնդունակութեան չափով սկսում է շարադրել, ծաղկեցնել և տարածել ամեն տեղ:

Այսպէս էլ ընկել էր Վարդուհու անունը ժողովրդի բերանը: Նա շատ բաներ մի լում, բայց ում բերանը կարող է բռնել: Զատ անգամ նա լաց լինելով ասում էր թէ ինքը ինչո՞ւ այն չէ ինչ որ կարծում է հասարակութիւնը, ինչո՞ւ Աստուած չէ տուել իրան այնպիսի մի սիրտ որ երբ հասարակութիւնը ասում է, դիմացն էլ կայ լայն ասպարէզ, ինչո՞ւ չգրնալ նրա ցոյց տուած ճանապարհով: «Բայց չէ, աւելացնում էր նա, քանի որ կեանքս ու բողոքս փոքր հասակիցս թունաւորուեց, ես այլ ևս չեմ սպասում մարդկանցից բարիք և չեմ էլ հաւատում անկեղծութեանն ու ճշմարտութեանը: Ես մինչև օրս էլ չեմ հասկանալ թէ ինչք ստիպեց հօրս, որ ինձ

կնութեան տուեց իր հասակակից մէկ մարդու, իմ այն հասակումս, երբ ես գեռ սչինչ չգիտէի. բայց նա այդպէս վարուեց և այն օրուանից իմ կեանքն ու բողոքս սև շրջանակի մէջ դրեց: Տասն և հինգ տարեկան էի, երբ առաջին երեխայիս ծընեցայ՝ մի փոքրիկ, նիհար արարած, շատ ծանր չարչարանքներով մեծացրի, միշտ զբաղուած էի նրանով և ուխտեցի նրան էլ նուիրուել ամբողջ օրտով: Յետոյ ունեցայ 2 երեխաներ ևս, որոնք շուտով մեռան ու իմ սէրս փոքրիկ որդուս վրայ աւելի և աւելի կրկնապատկուեց. աշխարհիս վրայ բացի նրանից ուրիշ ոչինչ չունիմ և ոչինչ էլ չէ գրաւում ինձ»:

Պատահել է ինձ տեսնել տիկնոջ մօտ այնպիսի նամակներ, որոնք ուղղուած են եղել զանազան անձնաւորութիւններին (նոյն իսկ ամուսնացած և զաւակների տէր մարդկանցից) որ առաջարկել են Վարդուհուն փող, ոսկի, հարստութիւն, ապահովութիւն, միայն թէ ինքը բաժանուի ամուսնուց կամ թէ չէ գաղտնի կերպով դառնայ իրանց սիրուհի: Վարդուհին միշտ

զանազան միջոցներով ուղարկուած այդ նամակները վրայ ծիծարկում էր և շատ անգամ տալիս ամուսնուն որ կարդայ:

«Չը գիտեմ», ասում էր նա, «վերջս ինչ է լինելու, բայց՝ եթէ շուտ մեռայ՝ արգէն բոլորովին կազատուեմ բամբասանքներէց, իսկ թէ ամուսինս գլուխը վայր դնէ, միայն այն ժամանակ, երբ ոչ մի միջոց չպիտի ունենամ ապրելու, զլիաւորապէս որդուս համար, գուցէ ստիպուած պէտք է գիմեմ երկրորդ անգամ օրինաւոր ամուսնութեան, բայց այդ էլ դեռ ապագայի հարց է որ ասում եմ և չգիտեմ...»:

Այն, այդ էլ ապագայի հարց էր, որ տիկին Վարդուհին չըզիտէր. բայց նա ապրում էր, ինչպէս նկարագրեցինք իսկական դրութիւնը, ապրում էր հասարակութեան աչքից ընկած, որպէս մի փչացած կին:

Հասարակութիւնը բամբասում է նրան բոլորովին իզուր տեղը:

Արդեօք ինչո՞ւ չպէտք է կարծել որ տիկին Վարդուհու նման անտեղի բամբասանքի առարկայ են շատ շատերը:



<< Ազգային գրադարան



NL0352895

46 952